

COMISIÓN INFORMATIVA DE CULTURA, DEPORTES E MOCIDADE

ACTA da mencionada comisión informativa, correspondente ao día **15 de decembro de 2022**

Ás 18.00 horas do día 15 de decembro de 2022, reúnese a Comisión Informativa de Cultura, Deportes e Mocidade, na sala de xuntas da Deputación Provincial, coa asistencia dos seguintes deputados e deputadas:

Presidenta: D.^a Ana Patricia Torres Madureira

Deputados/as do Grupo Popular:

D. Álvaro José Fernández López

D.^a Consuelo Vispo Seara

D. César Manuel Fernández Gil

D.^a Ana María Villarino Pardo

Deputados/as do Grupo Socialista:

D.^a Susana Rodríguez Estévez

D. Álvaro Vila Araújo

D.^a Margarita Pérez Fernández

Deputados de Democracia Ourensana: D. Armando Ojea Bouzo

Deputado do BNG: D. Bernardo Varela López

Deputada non adscrita: D.^a Montserrat Lama Nóvoa.

Secretario: D. Adamantino Barreiro García

Interventora: D.^a Begoña Álvarez Matos

Seguidamente, iniciouse o tratamento dos asuntos incluídos na orde do día, do xeito que se reflicte a continuación:

1º.- APROBACIÓN DA ACTA DA SESIÓN ANTERIOR, CORRESPONDENTE Á ORDINARIA DO DÍA 17 DE NOVIEMBRE DE 2022.-

Pola Secretaría Xeral deuse traslado do borrador da acta anterior, correspondente á ordinaria do día 17 de novembro de 2022.

Non se producen intervencións e por maioría, a comisión adopta o seguinte acordo:

Aprobar a acta da sesión ordinaria da Comisión Informativa de Cultura, Deportes e Mocidade do día 17 de novembro de 2022, conforme co borrador elaborado pola Secretaría Xeral.

2º.- RATIFICACIÓN DA DECISIÓN DE INICIAR O EXPEDIENTE PAR O NOMEAMENTO DE FILLO PREDILECTO DA PROVINCIA, A TÍTULO PÓSTUMO, DE DON JOSÉ LUÍS OUTEIRIÑO RODRÍGUEZ.-

A Sra. **presidenta** informa da providencia do 16 de novembro de 2022, pola que se incoa o expediente para o nomeamento de fillo predilecto da provincia, a título póstumo, de don José Luis Outeiriño Rodríguez e se nomeou ao vicepresidente segundo don César Manuel Fernández Gil, asistido polo asesor de presidencia don Aurelio Gómez Villar, como instrutor do expediente.

Don Bernardo Varela López, do BNG, di que, como reiteradamente ten comentado, desexa que sexa unha muller á que se lle outorgue esta distinción. En tres anos e medio de mandato aínda non pasou o nomeamento como filla adoptiva, predilecta ou medalla de ouro da provincia de Ourense. Acabará presentando unha moción por que considera que é de xustiza que sexa unha muller. Votará a favor.

Don Armando Ojea Bouzo, de DO, indica que se absterá.

Dona Susana Rodríguez Estévez, do Grupo Socialista, está de acordo pero como indica don Bernardo vai sendo hora de que se lle outorgue a unha muller.

Non se producen máis intervencións, e co voto favorable do Grupo Popular (5), do Grupo Socialista (3), do BNG (1) e da deputada non adscrita e a abstención de DO (1), a comisión ditamina favorablemente a adopción, por parte do Pleno, do seguinte acordo:

Ratificar a decisión da Presidencia do inicio do expediente de nomeamento de fillo predilecto da provincia, a título póstumo, de don José Luís Outeiriño Rodríguez, mediante *a seguinte providencia do 16 de novembro de 2022*.

“Esta Presidencia da Deputación Provincial de Ourense, ordena a apertura de expediente para o nomeamento como fillo predilecto da provincia a título póstumo de D. José Luís Outeiriño Rodríguez, falecido o 26 de marzo de 2019. polo seu labor na divulgación da provincia de Ourense.

José Luis Outeiriño foi un loitador e un imprescindible na historia provincial no último medio século, defensor da información e dos periódicos locais, presidente de honor de La Región,

fundador de La Región Internacional y Atlántico Diario, entre outras iniciativas, tamén foi conselleiro de Telemiño e de Rías Baixas de Producción de Vídeo e Televisión SA e TeleCíes.

*Polo exposto, **DISPOÑO**:*

1º.- Incoar o expediente para o nomeamento de José Luís Outeiriño Rodríguez como fillo predilecto da provincia a título póstumo.

2º.- Designar ao deputado provincial e vicepresidente segundo don César Manuel Fernández Gil como instrutor do expediente, conforme co que dispón o capítulo III do Regulamento de Honores e Distincións da Deputación de Ourense. O deputado instrutor actuará asistido polo asesor de presidencia don Aurelio Gómez Villar, que actuará como secretario do expediente.

3º.- Solicitarlle á Comisión Informativa de Cultura, Deportes e Mocidade que ditamine favorablemente a ratificación, por parte do Pleno da Deputación Provincial de Ourense, da decisión de iniciar o dito expediente”

3º.- OUTORGAMENTO DO TÍTULO HONORÍFICO DE FILLO PREDILECTO DA PROVINCIA DE OURENSE, A TÍTULO PÓSTUMO, A DON JOSÉ QUIROGA SUÁREZ (PETÍN 1920-A RÚA 2006).

A Sra. presidenta informa que por providencia de 4 de febreiro de 2022, nomeouse instrutor do expediente ao vicepresidente primeiro don Rosendo Luis Fernández Fernández, asistido polo asesor de presidencia don Aurelio Gómez Villar.

Don Armando Ojea Bouzo, de DO, indica que votará a favor.

Dona Susana Rodríguez Estévez, do Grupo Socialista, indica que votarán a favor.

Non se producen máis intervencións e, por unanimidade, a comisión ditamina favorablemente a adopción, por parte do Pleno, do seguinte acordo:

Outorgarlle a distinción honorífica de Fillo Predilecto da Provincia de Ourense, a título póstumo, a don José Quiroga Suárez (Petín 1920-A Rúa 2006), de conformidade cos artigos 1, 7, 9, 10 e 11 do Regulamento de honores e distincións da Deputación de Ourense, e consonte coa proposta formulada polo instrutor do expediente.

4º- MOCIÓN DE URXENCIA.- Non se presentan.

5º.- ROGOS E PREGUNTAS.- Nesta quenda prodúcense as seguintes intervencións:

Don Bernardo Varela López, do BNG, pregunta polo listado das esculturas que formaban parte do patrimonio da Deputación.

A Sra. presidenta informa que calquera grupo pode solicitalo en Transparencia.

E, ás 18.05 horas, dáse por finalizada a reunión, redactándose a presente acta que se asinará electronicamente. Dou fe.